

Luo - Chunyu Ndiko - Comfort Scriptures

2 Jo-Korintho 1:2-4 Mad Ng'wono gi kuwe moa kuom Nyasaye Wuonwa gi Ruoth Yesu Kristo obed kodu. 3 Pak ni Nyasaye ma Wuon Ruodhwa Yesu Kristo, kendo ma Wuon ng'wono kendo Nyasach Loch duto, 4 en moloyowa e chandruok duto rnarnakowa, mondo wabed gi nyalo mar hoyo jomamoko manie chandruok, ka wahoyogi gi hoch ma Nyasaye osehoyowago wan wawegi.

Zaburi 25:16,17 Lokri ira kendo bedna mang'won, nikech adong' kenda kendo awinjo marach. 17 Chandruok manie chunya osemedore; resa kuom rem ma an go.

Zaburi 32:7 In e kar pondona; ibiro rita e chandruok kendo ibiro Iwora gi wende mag loch. Sela

Zaburi 34:18 Jehova ni machiegni gi joma chunyi otur kendo owaro joma chunyi muol.

Zaburi 38:8 Denda ool kendo tekra orumo chuth; achur nikech chunya lit.

Zaburi 40:3 Ne oketo wer manyien e dhoga, wer mipakogo Nyasachwa. Ji mang'eny biro neno mi bed maluor kendo gibiro keto genogi kuom Jehova.

Zaburi 42:11 Ang'o momiyo inyosori, Yaye chunya? Ang'o momiyo ibuok gie iya? Ket genoni kuom Nyasaye, nikech pod abiyo pake, ni Jawarna kendo Nyasacha.

Zaburi 50:15 kendo luongauru sama un e chandruok; to abiyo golou e chandruogno, kendo ubiro miya duong'.

Zaburi 55:4 Chunya winjo malit e iya kendo luoro mar tho osemaka. 5 Aluor kendo denda tetni; kibaji ogoya matek.

Zaburi 61:2,3 Aluongi gie tung' piny, aluongi ka chunya ool; telna nyaka Iwanda mohinga gi bor. 3 Nikech in ema isebedo kar pondona, isebedona ohinga motegno maponde ne jasigu.

Zaburi 62:8 Un ji, genuru kuome kinde duto; olneuru oko gik manie chunyu, nikech Nyasaye e kar pondo marwa. Sela

Zaburi 73:26 R i n gra gi chunya nyalo doko manyap, to Nyasaye ema miyo chunya teko, kendo en e girkeni mara nyaka chieng'.

Zaburi 77:2,3 Kane an e chandruok, ne amanyo Ruoth; otieno duto ne arieyo bedena malo maok aol, kendo chunya nodagi hoch. 3 Ne apari mine ahum, Yaye Nyasaye, ne aol kendo chunya nonyosore.

Zaburi 85:6 Ang'o mamoni duogowa iri kendo, mondo eka jogi obed mamor kuomi?

Zaburi 86:11 Puonja yoreni, Yaye Jehova, mondo eka awuothi e adierani; miya chuny maonge hubagabaga, mondo eka aluor nyingi.

Zaburi 109:22 Nimar adhier kendo achando, kendo chunya winjo marach e iya.

Zaburi 112:7,8 Ok oluoro weche makelo kuyo nikech chunye otegno kendo ogeno kuom Jehova. 8 Chunye ok chandre kendo oonge gi luoro moro amora; ong'eyo ni obiro neno ka olo wasike ka ento olocho.

Zaburi 119:111 Chikeni e girkeni mara manyaka chieng'; gin e mor mar chunya.

Zaburi 128:2 Ibiro chamo olemb luchi; iniyud gweth kendo inidhi maber.

Zaburi 138:7 Kata obedo ni awuotho e dier chandruok, to irito ngimana; irieyo Iweti kuom mirimb joma keda koda, kendo iresa gi Iweti makorachwich.

Zaburi 143:4 Omiyo chunya chandore e iya, ee, chunya obuok.

Zaburi 147:3 Ochango joma chunyi tuo kendo othiedho adhondeggi.

Johana 14:1 a Kik we chunyu ochandre. Yieuru J \ddot{e} kuom Nyasaye, kendo an be yieuru kuoma.

Johana 14:27 Aweyonu kuwe; kuwe mara ema amiyou. Ok amiu kaka piny miyou. Kik uyie chunyu chandre kendo kik ubed maluor.

Johana 16:6 Gik ma asewachonu omiyo upong' gi kuyo.

Johana 16:22 Kamano un bende sani en sau mar kuyo, to ubiro bedo mamor ka ananeu bang'e, kendo onge ng'ama nomau mor maru.

Tich Joote 2:46 Ne gisiko giromo pile ka pile e laru mar Hekalu, kendo ne ging'ingo makati e miechgi, ka gichiemo kaachel gi chuny mamor.

Jo-Rumi 9:2 An gi kuyo maduong' kod lit ma ok rum e chunya.

2 Jo-Korintho 2:4 Ne andikonu ka chunya chandore kendo lit; kendo pi wang'a ne chwer mang'eny, nikech ne ok adwar mondo ami ubed mokuyo, to ne adwaro mondo ung'e kaka aherou, un duto, gi hera matut.

Jo-Efeso 5:19 Wuouru ng'ato ka ng'ato kod weche mag zaburi kuwero wende kitabu kod wende chuny. Weruru kendo den-duru Ruoth e chunyu

Jo-Filipi 4:4 Beduru mamor pile kuom Ruoth. Anyisou kendo ni, moruru!

Jakobo 5:13 Mit ki ng'ato kuomu nigi chandruok? Onego olem. Mit ka ng'ato mor? Onego ower wende pak.